

С. К. ДАРОНЯН, *Микаэл Налбандян, Проблемы творчества и литературных связей*, Издательство АН Арм. ССР, Ереван, 1975, 380 стр.

Ակադեմիկոս Աշոտ Հովհաննիսյանի «Նալբանդյանը և նրա ժամանակը» հետազոտության հրապարակումից անցել է շուրջ երկու տասնամյակ: XIX դ. հայ հասարակական մտքի ուսումնասիրությանը նոր տեսլականներ է ապրել: Ծիշտ է, դժվար է հաղթահարել այդ հետազոտության և՛ ազդեցությունը (գիտական կողմնորոշումների իմաստով), և՛ պրոբլեմի նոր ուսումնասիրության արդյունավետության վերաբերյալ ծնվող իրավացի կասկածները: Բայց, այնուամենայնիվ, յուրաքանչյուր սերունդ պորձում է նորովի ընթերցել Նալբանդյանին և ճանապարհ հարթել պատմական ճշմարտության ու սեփական ինքնաճանաչության առաջ:

Նալբանդյանագիտության 1960-ական թվականների ձեռքբերումները ամենից առաջ կապվում են Սերգեյ Դարոնյանի անվան հետ, մի գիտնական, որ նախապես, Մոսկվայում ապրած տարիներին, փորձում էր գիտա-մասնագիտական հրապարակումների օգնությամբ պրոպագանդել Նալբանդյանի գործն ու կյանքը, միութենական ընթերցողին կողմնորոշելով հայ-ռուս հեղափոխական համագործակցության խնդիրներում: Այս և 1964 թ. հրատարակած «Նալբանդյանը և ռուս հեղափոխական-դեմոկրատները» գրքում բացահայտելով Գերցեն—Օգարովյ, Ջերնիշևսկի—Սերեն-Սոլովեյի հեղափոխական խմբակցությունների հետ Մ. Նալբանդյանի ունեցած կապերն ու զաղափարական ընդհանրությունը, հեղինակը, բացի գիտությանն հայտնի փաստերից, ներբերում է և հնօրյա արխիվներից ու հրատարակություններից քաղված նոր փաստեր, մասնավորապես հաստատում Մ. Վովչոկի և ուկրաինական իրականության հետ հայ հեղափոխականի զաղափարական համագործակցության իրողությունը: Վերջին տարիներին հայտնաբերվեց նաև Նալբանդյանի կորած երկերից մեկը՝ «Մինին խոսք, մյուսին հարսն» վիպակը: Հայտնաբերողն ու արժեքավորողը դարձյալ Սերգեյ Դարոնյանն էր: Այժմ մեր գրական ու գիտական կյանքում լկա որևէ մեկը, որ Նալբանդյանի ժառանգության ուսումնասիրության հարցերում չդիմի Ս. Դարոնյանի աջակցությանն ու օգնությանը: Դարոնյանն է, որ բազմաշխատ Արամ Խնճիկյանից հետո կանգնում է Նալբանդյանի ժառանգության բանասիրական հետազոտությունների գլխին և կազմակերպում հեղափոխական դեմոկրատի գիտական վաստակների ուսուներև թարգմանություններն ու համամիութենական պրոպագանդան:

Գրախոսվող այս աշխատությունը գիտնականի բազմամյա զբաղումների արդյունք է: «Ռուսաստանի ժողովուրդների առաջադեմ մտածողների մարտական համագործակցությունը ռուս ազատագրական շարժման գործիչների հետ հանդիսանում է 60-ական թվականների հիանալի ժամանակաշրջանի յուրահատուկ գծերից մեկը», — գրել է Ս. Դարոնյանը գրքի նախաբանում (էջ 7): Ընդ որում, գիտնականը ելնում է այն տեսանկյունից, որ ընդգծել է Վ. Ի. Լենինը «Ազգերի ինքնորոշման իրավունքի մասին» հայտնի հոգվածում: Ռուս հեղափոխական դեմոկրատները, մասնավորապես Նիկոլայ Գալիլեովիչ Ջերնիշևսկին, ձգտում էին միարանել երկրի դեմոկրատական ուժերը՝ ուղղելով դրանք ինքնակալական-ձորապետական ուժերի դեմ: «Համառուսաստանյան սոցիալ-դեմոկրատ», — այսպես էր կոչում Լենինը Ջերնիշևսկուն, այդ կերպ ընդգծելով Ռուսաստանի հեղափոխական դեմոկրատների առաջատար դերը հեղափոխության միասնական լազերում: Կարելի է ասել, որ այս տեսակետը ընկած է «Միջախել Նալբանդյան» գրքի հրապարակախոսական պաթոսի հիմքում: Ներկայացնելով ազգային-հեղափոխական ուժերի և սրանց զաղափարախոսների անմիջական կապերն ու առնչությունները ռուս իրականության և հատկապես հեղափոխական-դեմոկրատական միջավայրում խմբավորվող զաղափարների ու ծրագրերի հետ, հետազոտողը կիրառում է ռուս 60-ականների հոգևոր ժառանգությանը Վ. Ի. Լենինի տված գնահատականը (հաշվի առնելով, իհարկե, ամեն մի տվյալ ժողովրդի կոնկրետ պատմական դարգացման չորահատկությունները) և այդ ճանապարհով ստուգում ու որոշում

ներանց լուսավորական-հեղափոխական միսիայի հասարակական արժեքն ու պատմական նշանակությունը:

Այս տեսակետից հետաքրքրական է «Միքայել Նալբանդյան» աշխատության, եթե կարելի է այսպես ասել, ներքին-գիտական ուղղվածությունը: Սկսելով նորոգիչական ուսումնասիրություն տարիներից, Դարոնյանը համահավաքում է ի մի է բերում այն բոլոր փաստերը, որոնք կողմնորոշում էին պատանի Միքայելին զբալի ռուսական մշակույթն ու գրականությունը: Շնախիշեանյան շրջան: Շփումը ռուս գրականության հետ» գլխում գիտնականը բերում է բազմաթիվ ու նորովի ընթերցված փաստեր: Չափազանց կարևոր են այս տեսակետից Նալբանդյանի և Ա. Ս. Գրիբոյեդովի զաղափարական ստեղծագործական կապերի հետ առնչված բանասիրական պրպտումների արդյունքները: Ի դեպ, Դարոնյանը դիպում է նկատում, որ Չացկու (Շեքել-րից պատահա՞ս) և Կոմս էմմանուելի («Մենելահարցուկ») միջև ընդհանուր շատ զգե՞ր կան, է: որ Չացկու ակտիվ բնավորությունը, հեղափոխական իր պահվածքի մեջ, հոգեհարազատ է հղել Նալբանդյանին դեռ պատանեկության շրջանից սկսած:

Ս. Դարոնյանի հետազոտական մեթոդին հատուկ է ուղղամիտ անալոտությունը և փաստերն ընթերցելու ռեպրեստական կողմնորոշումը: Նալբանդյանագիտությունը շատ բան է կուտակել մեծ հեղափոխականի հասարակական հայացքների բարեշրջմանը հետևելու համար: Կենսագրական իրողությունների հաշվառմամբ՝ շատերն են փորձել բացատրել ու մեկնաբանել Մ. Նալբանդյանի վաղ հակումը զբալի մատերիալիստական աշխարհայացությունը: Ս. Դարոնյանը նույնպես հետևում է այս մեթոդին, այս անգամ անդրադառնալով ժամանակի բժշկագիտական մտքին, Մոսկվայի համալսարանի բժշկական ֆակուլտետի դասախոսների և պրոֆեսորների գիտական նվաճումներին, մասնավորապես կենսաբան-էվոլյուցիոնիստ Կարլ Ռուելի գործունեությունը և աշխարհայացքին: Հյուսիսափայլյան գիտա-մասնալական հոգվածների («Թե ինչպես է երկրագունդի ներքին կազմակերպությունը», «Աշխարհի կազմածը և նորահրաշխիքները») նշանակությունը բնավ էլ չգերազանցատելով, Դարոնյանը դրանց մեջ տեսնում է կրոնա-միստիկական նախապաշարունակներից ժողովրդին դուրս բերելու լուսավորական ծրագրի իրագործումը, ծրագիր, որ ռուս հեղափոխական-դեմոկրատների օրինակով փորձում էր կիրառել Վայ իրականության մեջ Միքայել Նալբանդյանը:

Մոսկվայի համալսարանի և առհասարակ 1850—60-ական թվականների ռուս իրականություն լայն ճանաչումը Դարոնյանի հետազոտությունը դարձնում են առանձնապես հետաքրքիր: Այստեղ կա և՛ միջավայրի իրական զգացողություն, և՛ կապերի ու հարաբերությունների ճշգրիտ ճանաչում: Տեսնում ենք ռուս միջավայրում հասակ նետող մի իսկական մարտիկի բնութագրերը, որ մանրամասնելով և հատկապես նրբերանգնելով տարբերվում է ավանդական Նալբանդյանից, և այդ այն պատճառով, որ հետազոտողը հիանալի է զգում ռուս միջավայրը, ճանաչում ու գնահատում է յուրաքանչյուր մասունք ու մանրուք: Մ. Նալբանդյանի մոտկովյան և պետերբուրգյան ուսումնասիրության տարիներին նվիրված էջերը աչքի են ընկնում ոչ միայն այդ յուրահատկությամբ: Դարոնյանը գրում է նաև ռուս ընթերցողի համար: Նրա գիտական ծրագրում կա ռուս-հայ պատմա-հասարակական առնչությունների գնահատումը և դրանց վերաբերյալ էմպիրիկ ամբողջ նյութի վերհանումը: Այս տեսակետից «Միքայել Նալբանդյան» աշխատությունը որոշ իմաստով վերաճում է 1850—60-ական թվականների հայ-ռուս զաղափարական ու հասարակական համագործակցության պատմության:

Այդ լայն համայնապատկերը մասնավորապես երևան է գալիս ռուս հեղափոխական-դեմոկրատների հետ Մ. Նալբանդյանի անձնական-գործնական առնչությունների և զաղափարական կապերի ուսումնասիրության ժամանակ: Այստեղ Դարոնյանը չի մոռանում և ոչ մի մանրուք, ներբերում է գիտությունը մինչև այժմ անհայտ փաստեր, հինը՝ ընթերցում նորովի, և այս ամենը ծառայեցնում գրքի հիմնական ըմբռնմանը՝ ռուս ժողովրդի և Ռուսաստանի ժողովուրդների ազատագրական պայքարի խոր լուսաբանությունը, պայքար, որ գլխավորում էին ռուսական սոցիալ-դեմոկրատների նախորդները:

«Հեղափոխական իրադրության տարիներին: Հեղափոխական-դեմոկրատական պոեզիան և հրապարակախոսությունը (1859—1862)» գլխում գրականագետը հանձնառում է նաև պատմաբանի դեր և հանդես բերում ռուսական հեղափոխական-դեմոկրատիայի պայքարի պատմության լուրջ ու լայն իմացություններ: Դարոնյանը սկզբնաղբյուրների (աբխիվների, մամուլի) լավագիտակ հետազոտող է: Նա, իհարկե, ավելի նկարագրող է, քան վերլուծող, ավելի պատմագիր, քան պատմաբան, բայց դա չի խանգարում նրան երբեմն-երբեմն զբաղվել ու լուծել նաև գիտական սկզբունքային նշանակություն ունեցող շատ հարցեր: Հատկապես ընդ-

սօճի է Մ. Նալբանդյանի գրական ուղղության պրոբլեմին Դարոնյանի տված մեկնաբանության առթիվը: «Մինին խոսք, մյուսին հարսնա վիպակը վերլուծելիս գրականագետը միանգամայն ձիշտ է բավականաչափ արդյունավետ տեսակետ է զարգացնում Նալբանդյանի ստեղծագործական մեթոդի վերաբերյալ: Մեղքերելով հեղափոխական դեմոկրատի 1857 թ. գրած նամակներից մեկի լափազանց ուղազրավ տողերը հիշյալ վիպակի մասին, Դարոնյանը ընդհանուր տիպաբանական քննությանը հաստատում է, որ Նալբանդյանի գեղարվեստական ստեղծագործական ուղղությունը լուսավորական ոեալիզմն է: Բնական մարդու և բնական բարոյական պոստուլի լուսավորական իդեալի ու գեղարվեստական, դիտա-փիլիսոփայական, հրապարակախոսական ոճերի համադրումից ծնված ստեղծագործական այդ մեթոդը հենվում էր դաստիարակչական լուսավորությանը բնականը հաստատելու ըմբռնման վրա: Հետագայում միայն Նալբանդյանը փոքր-ինչ ընդարձակեց լուսավորական ոեալիզմի ճանաչողական սահմանները («Մեռելահարցուկ»): Կենսուրախ, գավեշտական տոնը, որ հաստուկ է նրա արձակելի և որը, ինչպես ճիշտ նկատում է գրականագետը, նրան մերձեցնում է Ֆիլդինգի, Վլուտերի, Դիդրոյի և Գերցենի հետ, տարածվում է նրա ստեղծագործության մեջ՝ վերաճելով աշխարհի ընկալման յուրատեսակ գեղարվեստական ձևի: Այդ ձևը լուսավորական գաղափարաբանությունը դարձնում է ալիքի դյուրեցկալ և հրապուրիչ: Այս առումով հետաքրքիր են Մ. Նալբանդյանի քննադատական ժողովրդականը նվիրված հատվածները: Հետևելով «Կրիսիկա Սոս և Վարդիթեր» աշխատության ավանդական մեկնաբանություններին, Դարոնյանը, սակայն, այստեղ էլ փորձում է «ճշգրտել» բնագրի ընթերցման հին հակասությունները: «Սոս և Վարդիթեր» վեպի գեղարվեստական թուլությունների վերհանումը «Կրիսիկայում» գրականագետը բացատրում է գեղարվեստականության և ոեալիզմի այն պահանջներով, որ, որպես լափազանիշ, առաջադրում էր Նալբանդյանը գրականության և արվեստի երկերը գնահատելիս:

Ժողովրդայնության խնդիրը արժարժեքիս Դարոնյանը խորամտորեն նկատում է, որ այն Նալբանդյանի, ինչպես և Ջերնիշևսկու և Դորրոլյուբովի պատկերացմամբ՝ անպայմանորեն կապվում էր գեղարվեստական իդեալի հետ, իդեալ, որ, ըստ էության, մարմնավորում էր ժողովրդի լավագույն գծերը:

Ս. Դարոնյանը համեմատական գրականագիտության ներկայացուցիչներից է: Այս գրքում բացահայտվել են գրականագետի ու գրականության պատմաբանի նրա կողմնորոշումները՝ համեմատական գրականագիտության հետազոտական մեթոդների և արդյունքների նկատմամբ: Գրական կապերի յուրաքանչյուր փաստ տվյալ նշանակությունից զատ ունի գրական-գեղարվեստական օրինաչափություն կամ կապակցությունները բացահայտելու ներքին մղում: Դարոնյանը գիտականորեն է օգտվում այդ մղումից: Հատկապես ուսական իրականության խոր իմացությունը գրականագետին հնարավորություն է տալիս հետևել գաղափարական-մշակութային ներթափանցումների բարդ պրոցեսին, հասկանալ դրա ներքին մեխանիզմը և ճշտորեն սահմանագծել մարդկանց հոգեւոր հարստացման գործում գաղափարների, մտքերի, գործնական շփումների ու անձնական փոխարարբերությունների նշանակությունը:

«Միջայլ Նալբանդյան» ուսումնասիրությունը բացահայտում է իրոք հերոսական մի կյանքի ամբողջական պատմությունը: Ազատության զինվորի մարդկային գեղեցիկ դեմքը հառնում է տողերի արանքից՝ լավ հյուսված, հետաքրքրական ու հարուստ փաստական նյութի մեջ ամփոփված պատմական ճշմարտությունից: Եվ սա գրքի ամենամեծ արժանիքն է:

ԿԱՐԼԵՆ ԴԱՆԻԵԼՅԱՆ

Բանասիրական գիտությունների դոկտոր